



АКИҚАТ

Мұқтар Әуезовтың Абай туралы романдары

Мұқтар Әуезов қазақ халқының ұлы ақыны және ағартушысы Абай Құнанбаевтың өмірі мен қызметіне арналған романдардың төртінші кітабын аяктады.

Абай туралы роман жазу иниеті жа-
зушыда мұнан жыйырма жыл бұрын
дерлік тудады. Оның 1932 жылы жазған
«Қазақ даласында Татьянаның әні»
деген үзіндісі болашақ романының бір
тарауы болуға тиісті еді. М. Әуе-
зов өзінің шығармасын Абайдың ұлы
Пушкинмен рухани сабактастырын көр-
сетуден бастады. Мұның өзі, автордың
оійніша, романының негізгі идеясын бел-
гілейтін өзекті такырыптардың бірі бо-
луға тиісті еді. Жазылуынан бірақ кей-
нірек жарияланған бұл үзіндін окушы-
лар ете үннәтті. Көп ұзамай жазуышы
өзінін көкейтесті ойын жузеге асыруға
кірісті. Роман үш кітаптан құралуға
тиісті еді, бірақ жазу барысында оның
шеңбері кенейді. «Абай» романы екі кі-

тап болып шықты, мұнан кейін жазуыш оның жалғасы — «Абай жолы» романын жазуға кірісті, бұл да екі кітап.

«Абай» және «Абай жолы» роман-
дары — көпжылғы еңбектің қорытынды-
сында шықкан тұтас цикл. Бұл роман-
дар негізгі кейіпкерлері және сюжеттік,
композициялық құрылымы жағына да, да-
ғызында да өзара тығыз байланысып, тұтасып жа-
тырып. Маңыздылығы, оқигаларды кен-
қамтуы жағынан Абай туралы роман-
дар — зор дастандық шығарма. Қазақ
қогамының өмірін жазуши аса көр-
кемдік дарежесінде жеткізе суреттеген.
Откен ғасырдың екінші жартысын-
ың өнбойындағы қазақ халқының
өмірі, тұрмысы және мәдениеті негұр-
ым өзіне тән көріністер арқылы оку-
шының көз алдынан өтеді. Шығарманың
кейіпкерлері ол кездегі қазақ қогамының
әртүрлі топтарының өкілдері бейнесінде
көрсетіледі: ауыл және кала ке-
дайлерінің өкілдері, ақындар мей әші-
лер, ру басылары, болыстар, уезд бас-
тықтары және т. б.

Романдардың сюжеттің негізіне
алынған оқигалар ойдан шығарылмаған,
олардың бірсынан жағында сакталып келген. Абайдың өмірінен

¹ Мұқтар Әуезов. «Абай» тарихи роман, 1 және 2 кітап, Алматы, Қазақ көркем әдебиет баспасы, 1953. «Абай жолы», роман, 1 және 2 кітап, Алматы, 1955—1956.

алынған, документтер мен мемуарларда қалған оқигалардың оның өз шығармаларынан табамыз. Кейіпкерлердің көпшілігі кезінде болған адамдар, хронология тәртібі де негізінде сақталып отырады, әртүрлі жерлердің өз аттары беріледі, адамдардың есімдері көбінесе сақталады.

Мұның бәрі М. Әуезовтың Абай тұралы романдарының тарихи дастан екенін сипаттайтын. Бірақ көркем шығармаларда жазушы көп оқигалардың шындығының сактай отырып, олардың жалалы барысын дұрыс көрсете отырып, мұнымен бірге, суреттелеңтің өмір процестерінің мәнісін ашу, окуышыға сол заманды сезіндіру, өз геройларын жанды бейнеде көрсету үшін бұл оқигаларды корытып, байта түстеп түсінкті.

Бытыранқы, көп уақытта бірі-біріне қайшы фактылар бойынша жеке оқигаларды суреттей отырып, жазушы бұларды творчестволықпен қайта ойластырады және жаңадан ен беріп, көркем шығарманың тұтас арқауына енгізеді. Суреттелеңтің дауірдің өмірін нақтылы оқигалар мен адамдар арқылы толығырақ көрсетуге тырысын, автор ойдан шығарылған кейіпкерлерді де қосады. Олар: Дәркенбай, Дәрмен, Иса және баскалары. Салтанат, Базаралы, Ербол сиякты кейіпкерлердің де бір кездегі болған адамдар екені алыстан сезіліп тұрады. Алайда М. Әуезовтың романдарында ойдан шығарылған геройлар да сол заманың өзіне тән, нақтылы адамдар болып көз алдыңа келеді.

Өздігінен творчестволық шешімдер, батыл корытындылар жасау үшін жазушы өмірді терең тануға негізделген көркемдік қылалы пайдаланады. Шығарманың маңыздылығы оның жеке эпизодтарының шын оқиғаны көрсетуінде немесе автордың қылалдау шарқында емес, автордың қоғамдық өмірдегі терең процестерге, адамдардың әрқылы қарым-қатынасына терең, бойлап, қазактардың сол кездегі әдет-ғұрыптарын шынайы көрсете білуі арқылы Абай туралы романдардың өмір шындығына дәл үйлес шыққандығында.

Абай туралы шығармалардың сюжеттік-тақырлық, негізі — қазак қоғамының прогрессішіл күштерінің, реакция күштеріне қарсы, әлеуметтік езгіге, надандыкка және қаранғылыққа қарсы күресі. Прогрессіл демократиялық күштердің өкілдері — Абай, Дәркенбай, Базаралы, Дәрмен және баскалары. Реакцияның күштерін бейнелейтіндер — Құнанбай, Оразбай, Жиренше, Тәкежан, Майбасар, Әзімбай және баскалары.

Абай — бас герой, романдардағы оқигалар соның тәнірекінде дамиды. Оның образы өзіне тән ерекшелік сипаттен, терең суреттелеіді. Шығарманың өзегі Абайдың эпикалық образы, ол оқигалардың даму барысында ашылып отырады. Көп оқигалардың желісі Абайға келіп тіреледі, ол тартыстардың нірміне қайта-қайта қосылып, ондаған

кейіпкерлермен қарым-қатынаста болады.

Бірінші кітаптың басында біз бала Абайды көреміз. Қаладан, өзі оқыған медреседен өз аулына келгенде Абай екі жазықсыз жанның — қарт Қодар мен оның келіні Қамқаның жазаланғаның көзімен көреді. Бұл қайғылы оқиға жас балаға ауыр батады, ол аурады. Бұл эпизод болашақ ақынның қаснетінде маңызды сипатты — оның адамға сүйіспеншілігін, әділеттілікке үмтүлған талабын айқын көрсетеді. Сөйтіп, адамгершілік, адамға сүйіспеншілік тақырыбы шығармаға Абайдың бейнесімен бірге көреді.

Жазықсыз адамдарды катал жазалау бәрінен де өзінің әкесі, мұның бас айыпкері және үйимдастырушысы — Құнанбайта керек болғанын, Құнанбай өзінің жауызыдық ииетін ру басылардың тоқтамын, шаригат заымен бүркегенін, бұл жантүршігерлік қылмыска ол көп адамдарды зорлап қатыстырагыны Абай ол кезде әлі біле алмады. Абайдың ызасы ішкі наразылық, ашынған жанның ашы дауысы болды.

Жас Абайдың жолы қыйын, сокпакты. Оған феодалдардың ру тартысының әдіс-айласын қараңғыда кармалай жүріп айыруға тұра келді, өктем әкесі Құнанбай оны осы тартыска тартады. Әкесімен араз қарт Бөжейге ішіліп салем беруі, онан кейін Бөжейдің асына қолма-қол қатысуы — Абайдың өз еркінің және тауелсіздігінің алғашқы коріністері ғана. Жас өспірім Абай әкениң ықпалынан әлі шыға алған жоқ, өз ортасының сокыренімдерін батыл жеңе алған жоқ. Дағаның бін Алшынбаймен құда болғысы келген есепкөй Құнанбай баласы Абайға оның немесе Ділдәні айттыруды. Сүйіспеншілігі жоқ, некенің өзін қаншама касіретке үшіраратының әлі терең түсінбеген Абай бұған бағынады.

Халықтың қалың ортасынан шыққан адамдармен, Құнанбайға өш рулардың өкілдерімен жақын қарым-қатынас Абайдың көп нәрсеге көзін ашты. Ойлы, ақылды жас ру таласының мақсаты — әліз рулардың жерін тартып алу екенин, бұл тартыста беделді феодалдар және олардың жақындары емес, еңбекші халық азап шегетінін бірте-бірте түсіне бастайды. Өз руының нағызының қорғағансыйтын Құнанбай іс жүзінде өзінің құлқышылдық мақсатын — өзінің билігін асырып, байлығын арттыруды көздөйтінің Абай енді айқын көреді. Қоптеп байқалып жүрген әкесімен араздық Абайды онымен ашық жанжалға экеп соктырады. Бұл енді жеке адамдардың емес, екі дүниенің: бір жағынан феодалдық-рушылдық ескіліктің, екінші жағынан, жана туып келе жатқан демократиялық күштердің өзара соқтығысы еді.

Абай енді езілгендегерге, зәбір-жапа көрғендегерге жәй тілекtes қана болып коймай, оларға белсеніп көмектеседі. Жатактардың барлық малы қырылғалы

тұрған жұт кезінде Абай көп адамдарды аштық өлімнен қутқарып қалады. Құнанбай колдаған Тәкежанның күшті қарсылығына қарамастан, ол мұны батыл істейді.

Екінші кітапта Абайдың тұлғасы едәуір өседі. Ол енді халыққа жақындей түседі, оның мұктаждары мен мудделерін тереңірек түсінеді. Ералыда кедейлер уезд бастығы Кошкиннің корлауына және озбырлығына қарсы көтілген кезде Абай, өкімет екілдері өткізбек болған салауды бұзған адамдардың қыймылына дем беріп, басшылық етеді.

Сырт көрінісінде құдайшыл, екіжүзді момакан Құнанбай, рушылдық-феодалдық заманының әдет-ғұрыпын бұзып, басқаның қалыңдығы — қызды ашық сүйген Әмірді қылғындырып жатқан кезінде, Абай катал әкесін жаңа қылыштан күшпен токтатады.

— Аузыңда алла, шенгеліде қан. Тағы қан!.. Бұларды шаригат та қосады. Бір кезек, сол шаригат жолы деп, бір нахак қан төгіп ен... — деп Абай Құнанбайды Қодардың өлімі үшін де ашумен айыптаиды.

Абайдың адамгершілігі, еркінділігі терең білімді және ақылды адам, саяси жер аударылып келген Е. П. Михайловты таңдандырып сүйіндіреді. Е. П. Михайлов көп үзамай Абайдың досы, ең жақын ақылшысы болады. Абай онан орыс халқының патша өкіметіне қарсы азаттық күресі туралы, ұлы революцияшыл демократ Н. Г. Чернышевскийдің қызметі туралы көп нәрселерді біледі. Абай прогресшіл орыс ғалымдары мен жазушыларының шығармаларын ынтағмен оқып үйренеді. Озат орыс мәдениетімен рухани байланыс Абайдың ой-өрісін кеңейтіп, білімін арттырады, надандық пен енжарлыққа, каталдық пен тағылыштық қарсы күресте оған күш береді. Абай қазақ халқының орыс халқымен жақындаусын мейлінше жақтайды, орыс жазушыларының шығармаларын тарағады, ұлы Пушкиннің өлеңдерін қазак тіліне шабытпен аударады.

Ушінші және төртінші кітаптарда жазушы Абайдың халықпен байланысының барған сайын кеңеюін көрсетеді. Қарапайым адамдардың өздерін езушілерге қарсы батыл, бұрынғысынан әлдекінде үлғайған шайқастарында Абай оларды батыл корғайды. Абай, сансыз жауыздықтары мен қысымдары үшін Тәкежанның кек алдып, оның сегіз жұз жылқысын айдал екеткен Базаралыны, Әбілғазыны және басқаларын жақтайды. Ақын мұны — жай барымта деп танымай, халықтың ызасы мен наразылығының стихиялық көрінісі деп таныды.

Көп жатақтардың егініне жылқысын айдал салған Әзімбай болыстың екіжүзділігі мен сұрқыялышын әшкөрелеп, Абай бұл жатақтарды қарулы соктығысқа әзірледі, олардың көргөн зиянның төлетуге көмектеседі. Чиновниктердің

озбырлығына, бейбастактығына қарсы күресте ақын кейде заңға сүйенеді, халықты жолсыздық істерден корғау үшін заңды пайдаланады. Мысалы, ол чиновник Никифоровты кедейлерге салыған, шамадан тыс көп салықты азайтуға көндіреді.

Абай, ел басына келген үлкен апатоба кезінде байып қалуға аранын ашқан топас, надан молдаларға қарсы катты күрекшесе шығады. Өздерінің ардактылығы мен түсіреп пайдасын сактау үшін кімді болса да құртуға әзір тұратын кекшіл молдалар, садақаны бөлгендеге өзін үлестен күр қалдыргандарға өшігіп, жұрт алдында оларға қарсы шықкан Сармольданы арамзаликпен өлтіреді. Жауыз фанатиктерден корыкпаған ақын халыққа, обадан өлгендерді жерлекенде көп садақа алу тек құлқыншыл молдаларға пайдалы екенін, ал бұл садақа ауруды таратып, халыққа зиян келтіретінің түсіндіреді.

Абай неғұрлым реакцияшыл дінбасылардың Россиядағы мұсылман халықтарын біріктіріп, оларды Стамбулдың камкорлығындағы бір діні үйімға бағындыру әрекетінен батыл қарсы шығады. Ақын өз халқының келешегін дінде емес, оқып білім алуда, озат орыс мәдениетіне араласуда деп таныды.

М. Әуезов төртінші кітапта Абайдың қала кедейлерінің өкілдерімен, казак жұмысшыларымен: Сейілмен, Сейтпен, Әбенмен және Әбдімен тығыз карымқатынаста көрсетеді. Өз басының бостандығын корғап, сүйген адамына қосылуға үмтүлған Макенді жақтап шыққан ақынға олар шын ниетімен көмектеседі.

Абайдың халық арасында беделінің барған сайын күшесін оның дүшпандары көре алмайды. Олар ақынға сұрқыялыш жала жабады, Абайға ен катты өшіккіндердің бірі, жаңаңыл қатаулының кас дүшпана, беделді дала феодалы Оразбай ақынды барлық күшімен кудалайды. Жауалары Абайды талай рет ауыр жан азабына ұшырраты, бірақ оның жігерін мұқтата алмады.

Абай сегіз қырлы адам. Жазушы оны қоғамдық күрестің калың ортасында, күнбе-күнгі тұрмыста, бала-шагасының ортасында, сауық кездерінде суреттейді. Романның көп беттері ақынның шабытты творчестволық еңбегін көрсетуге арналған. Бұл еңбектің кейір көзендерін суреттегендеге автор Абайдың өзінің шығармаларын кеңінен көндіреді, үнемі ізденудегі ақынның ойы мен көңіл күйін ашу үшін бұл шығармаларды кеңінен пайдаланады. Абайдың төңірінде зерек, талантты жастар. Абай олардың тәрбиешісі, дем берушісі, төрөшісі.

М. Әуезовтың суреттеуінде Абай ой-өрісі мен дүние тануы жағынан өз ортасында жаңа адам, үздік ойшыл және ақын. Халықтың оқып білім алуға, қоғамдық-пайдалы еңбекке, орыс халық-

мен достыкты күшетуге шакырганда Абай казақ халқының тұрмысын өзгертіп жақсарту үшін құреседі. Ол мұны өз өмірінің мақсаты деп таныйды.

Жазушы еңбек адамдарын зор сүйіспен шілікпен, тілекестікпен суреттейді. Олар өз халқының жақсы қасиеттерін: еңбексүйіштігін, шыншылдығын, адамгершілігін, оның өмірлік күштерін бейнелейді.

Ақылды көрія Дәркембай — шығармадағы неғұрлым айқын және толық кейіпкерлердің бірі. Бұл тұрашыл, адаптадам. Өзінің барлық істерінде ол көділдерге, тұрмыс жайы, ауыр тағдыры жағынан өзімен мұндас адамдарға қамқорлықты көздейді. Дәркембайдың алғашки шығуның өзі, Құнанбайға карсы күресте оның пайда-парасына қанағаттанып, өз руынан бөлекtenенге бейім тұратын ру басылардың (Сүйіндік, Сүгір, Жексен және басқалары) арасында жаңа жігер енгізеді. Дәркембай олардың бұл иниятин тез байқайды да, Бөжейге ертіп әкеліп, олардың бәрін Құнанбайға карсы шығуға шакырады. Дәркембайдың батылдығы, табандылығы Құнанбаймен және оның адамдарымен ашық соқтығыста онан да айқын көрінеді.

Дәркембайдың Мекеге қажіге жургелі тұрған Құнанбаймен кездесіүі та-маша. Дәркембай оған жетім баланы ертіп әкеліп, оның «дүния істерін» — мұра бойынша осы балаға тиісті жерді Қодардан тартып алғанын—катаң есіне салады. Құнанбайдың ракымсызығына тағы да көзі жеткеннен кейін Дәркембай мұләйім қажінің шын бейнесін ашумен әшкереңділік: «Кеше күдіретінді ағасултант бол жүргізіп ен. Енді Құнанбай қажы бол алып, жүргізем деп барады екенсін. Білдім, күдай жолы емес... тағы да Құнанбайлық жолынды жоқтап барады екенсін гой».

Ауылдағы малышыдан егінші, онан кейін колөнерші болған Дәркембайдың еңбексүйіштігі, оның даналығы, тұрашылдығы, мұқтаждықтан мойынмайтын ерлігі ақынды шын сүйіндіреді; ол Дәркембайдың риясыз, шын досы болады. Халықтың жайы тұралы ойларын оған айтып, керекті кеңес беріп, Абай мұнымен бірге дана көриядан ақыл үйренеді. Халықтың ортасынан шықкан, оның мұн-мұқтаждың білетін Дәркембай, Абай сыйкыты, езушилерге карсы халықтың кегін алушы, сол заманға тән құрес жолына — жексүрүн байлардың жылқысын барынталу жолына—түсікен ержүрек Базаралы мен Эбліғазыға тілекtes болады, оларға көмектеседі.

Дәрмен, Әбіш, Макетай, Мұқамеджан, Мағауия — жаңа үрпактың өкілдері. Дәрмен — жастаңдардың ішіндегі, өз күшин ақындық өнерде байқап көрген неғұрлым дарындысы. Абай жас ақынның үстазы және ақылшысы ғана емес, жастанда жетім қалған Дәрменнің қамқоршы әкесіндей. Абаймен унемі араласа жүріп, білім алуға ансаған кабілетті

Дәрмен рухани өседі, оның ақындық таланты өрістейді. Ол рушылдық-феодалдық қоғамның тағылық әдет-ғұрыптың құрбандығы болған Еңлік пен Кебектің, қайғылы сүйіспеншілігін шабытпен жырлап, дастан жазады. Ақын, екі жасты ажалдың колына берген канішер феодал Қеңгірбайдың қаталдығын ашумен әшкереңді. Екінші бір шығармасында өз төңірегіндегі шындық өмірдің оқиғаларын суреттеп, Дәрмен кедей Исаның ерлік бейнесін жасайды. Жас ақынның творчестволық табыстарына шын қуанған Абай онан зор үміт күтеді. Жазушы Дәрменнің бейнесі арқылы демократиялық бағыттары ақынның тулас тұлғасын жасайды.

Әбіш — М. Әуезовтың суреттеуінде— жаңа түрппатты, өзі өскен ортаның соқыр сенімдерінен көбінесе аулақ адам. Ол — зор мәдениетті, жан-жакты білімді адам. Петербургте оқығанда Әбіш озат орыс ғалымдары мен ойшылдарының еңбектерін ынтамен үйренеді, Россияның қоғамдық-саяси және мәдени өмірінде болып жатқан оқиғаларды білуге тырысады. Ол өз халқына пайдалы адам болуға үмтүлады.

Өзінің туған аулында Әбіш төңіріндегі жұртты өз білімінің кеңдігімен, пікірінің тереңдігімен таңданырады. Абай оны жаңа дүниенің жаршысы деп атайды, одан үміт күтеді. Әбіштің бейнесін суреттегендеге жазушы өмірбаяндық материалдың шенберімен қанағаттанбай, жаңа үрпактың жас екілінің тулас бейнесін жасау міндеттін алға қояды.

Жауыз жыртқыштар—Құнанбайдың, Оразбайдың, Жиреншің және Тәке-жаның әйнелері арқылы автор мұндай адамдарды туғызатын әлеуметтік системаны ракымсыз әшкереңді. Феодалдықтың қаратұнек күшинің бул иелерінің бәрін баюға үмтүлған құлқыннылдық біріктіреді. Екіжүзді, құлқыннылдық болады ескі өмірді сактаудың өздеріне тиімділігін жақсы түсінеді, сол себепті, өздерінің өктемдігін сактап, ардактылығынан айырылмау үшін олар қандай да болын қаталдықтан, қылмыстан тартынбайды.

Құнанбайдың бейнесі кесек және айқын шыққан. Жазушы оның сипатын бүкіл қайшылықтары және шиеленісі бойынша суреттейді. Құнанбай — өктем феодал, ол есті және есепті. Ақылы же-тік, қатығез Құнанбай ру басылары мен ел билеушілерді өзіне бағындыра біледі, мұның үшін оларға күшпен, көлгрісінгендікпен, бояма қайрымдылықпен әсер етеді. Ол тек бір өзі үстемдік жүргізу-ге әддептенген. Оның дегеніне, оның тілегіне карсы келушілерден ол катаң кек алады. Тәжрибелі билеп-тостеуші Құнанбай ру таласының әдіс-айласына әбден жетілген; ол, өзіне тиімді кездерде ру басыларын өзіне жақыннатады, керек болмaganда, өзінен алыс үстайды. Бір рулардың басшыларымен дауласып жүргенде ол басқа рулардың басшы-

ларын өзіне өшіктірмей, уақытша олардың дегеніне көшеді. Өзінің пайдасы үшін — жайылым жерлерді сактау үшін, билік үшін — күресте Құнанбай рұнамысын қоздырып, ру таласын шебер пайдаланады. Өзінің мұдделерін корғағанда ол пайда-пара береді, дінге сүйенеді.

Құнанбай ызғарлы, Өзінің тоңірегіндеғілерге және өзіне жақын адамдарға өктемдік ықпалы бұлардың үнін өшіреді. Құнанбайдың бейнесі оның әлеуметтік тобының құрып бара жатканын көрсетеді.

Залым және айлакер Жиренше, надан және қатал Оразбай, халықты күзгелткен өзіміш жыртқыш Тәкежан Құнанбайдың жолында.

Халықтың таңдаулы адамдары правоызыдық, тағылық, еңжарлық және надандық жағдайда азап шегеді, құрып кетеді. Бұл жағдайда қазақ әйелдерінің көрген күні қаратунек. Ауыр бейнеттен азап шеккен Иіс кемпір, еріксіз сатылған қыздар, тоқалдықтың ауыр азабын шеккен әйелдер, Камчат сыйкытың көрлемінде қыздар ауыр, қайғылы өмір суреті. Бұлардың бәрі жанышталған, езілген, басқалардың еркіне бағынған, көрген азабын іште сактайды.

Жазушы суреттеген әйелдердің көптеген бейнелері қатарында Абайдың дана, қайырымды және қамкоршы үлкен шешесі Зәре, ұстамды, ақылды, жайдары Ұлжан, сүйкімді Айгерім бар. Абайға бекем сенген, адамгершілік көрсеткен қайтпас жігерлі Салтанат біраз оқшау орын алады.

М. Эуезовтың Абай туралы романдары — зор көркем шығарма. Оқиғалардың бас геройдың тоңірегіне жының таңдаулы адамдарының үлкен шешесі Зәре, ұстамды, ақылды, жайдары Ұлжан, сүйкімді Айгерім бар. Абайға бекем сенген, адамгершілік көрсеткен қайтпас жігерлі Салтанат біраз оқшау орын алады.

Абайдың өзінде көп оқиғалар онаң әрі дамып, кітаптан-кітапқа ауысады, бір кітапта белгіленген кейіпкерлердің бейнелері екінші кітапта терендей түседі — мұның бәрі шығарманың барлық бөлектерін тұтастырып байланыстырады.

Жазушы оқиғалардың барысын, адамдардың қатынасының ұштасуын аша отырып, әңгіме тәсілін кеңінен пайдаланады. Автор кейіпкерлердің ішкі дүниесін, олардың рухани өмірін қозғалыс және даму күйінде суреттегендегі, мұның терендігі және толықтығы жағынан шеберліктің шегіне жетеді. Геройдың қылыштарын, қозғалыстарын, көзбен ұғынысуын суреттегендегі, жазушы есте қалатын жанды бейне жасайды. Құнанбайдың портретін жасағанда, М. Эуезов оның қаталдығы мен өктемдігін айқын көрсету үшін, оның жалғыз көзінің өткірлігін, кол сермеудің әмірлігін тамаша пайдаланады.

М. Эуезов табигат көрінісін шебер суреттейді, мұны кейіпкерлердің жан күйін ашу үшін пайдаланады. Герой қуанышты болса, бүкіл табигат қуанышқа бөлгендегі, герой ауыр қайғылы болса, табигат та қара жамылған; табигат адамның жан күйіне үйлесіп отырады. Табигаттың көріністері көп уақытта геройлардың жан толқуын өзінің қаррама-карсылығымен айқындаі түседі.

Кейіпкерлердің тілі әралуан. Абайдың сөзінде дәл тенеулер, нақылдар көп кездеседі, кейде макал болып естіледі. Дәркембайдың сөзінде де халық тілінің байлығы мол.

Тұтасынан алғанда шығарманың тілі халықтың ауызсөзіне негізделген бейнелі және көркем. Ол өзінің рухы жағынан халықтың тіл, жазушы бұл тілді халық тілінің бай мүмкіндіктерін творчестволықпен пайдалану негізінде жасаған.

Мұқтар Эуезовтың Абай туралы романдары — жазушының ұзақ ізденүінің және көркем. Ол өзінің рухы жағынан халықтың тіл, жазушы бұл тілді халық тілінің бай мүмкіндіктерін творчестволықпен пайдалану негізінде жасаған.

З. АХМЕТОВ, И. ДУИСЕНБАЕВ,
филология ғылымдарының кандидаттары.